

**SAVEZ LOVAČKIH DRUŠTAVA
TUZLANSKOG KANTONA
T U Z L A**

**P O S L O V N I K
O RADU SKUPŠTINE I DRUGIH ORGANA**

Tuzla, april 2011.godine

Na osnovu člana 24 i 34 Statuta Saveza Lovačkih društava TK, Skupština Saveza TK, na sjednici održanoj dana 21.04.2011.godine, donosi:

P O S L O V N I K O RADU SKUPŠTINE I DRUGIH ORGANA

Član 1.

Ovim Poslovnikom u skladu sa Statutom bliže se određuje postupak i načina rada Skupštine, kao i prava i dužnosti članova u Skupštini .

Član 2.

Odredbe ovog Poslovnika shodno se primjenjuju i na postupak i na načina rada Predsjedništva kao i drugih organa.

Predsjedništvo i drugi organi mogu u skladu sa Statutom , postupak i način svog rada regulisati i drukčije od odredaba ovog Poslovnika.

Član 3.

Skupštinu saziva predsjednik Predsjedništva Saveza LD TK ili njegov zamjenik.

Pismeni poziv za Skupštinu mora da sadrži vrijeme i mjesto održavanja , kao i prijedlog dnevnog reda Skupštine.

Pismeni poziv za Skupštinu mora se dostaviti svakom članu najkasnije na pet dana prije održavanja Skupštine .

Uz poziv se obavezno dostavljaju i odgovarajući materijali o kojima će Skupština raspravljati i odlučivati.

Član 4.

Dnevni red Skupštine predlaže sazivač, a utvrđuje ga Skupština .

Skupština može odlučivati da se dnevni red stavi i na druga pitanja koja nije predložio sazivač.

Član 5.

Skupštinu otvara predsjednik Predsjedništva.

Radom Skupštine rukovodi radno predsjedništvo od 3 člana.

Predsjednik Predsjedništva je po svojoj funkciji član radnog Predsjedništva, a druga dva člana radnog Predsjedništva neposredno biraju prisutni članovi Skupštine.

Član 6.

Skupština radi u plenarnoj sjednici .

Rad Skupštine je javan.

U radu Skupštine učestvuju i članovi drugih organa, a mogu učestvovati i predstavnici drugih lovačkih društava i foruma zainteresovanih državnih organa i organizacija , te predstavnici štampe i drugih sredstava javnih informisanja- kao gosti s tim što nemaju pravo glasa.

Član 7.

Članovi u skupštini imaju prava i dužnosti utvrđene Statutom i ovim poslovníkom.

Član ima pravo i dužnost da prisustvuje sjednici Skupštine da učestvuje u njenom radu i odlučivanju a ukoliko je spriječen da prisustvuje sjednici Skupštine, dužan je o tome da blagovremeno izvijestiti Predsjednika Predsjedništva.

Član 8.

Radi verifikacije (potvrđivanja) mandata izabranih delegata i pripreme određenih prijedloga , Skupština bira Komisije iz sastava svojih delegata i to ; verifikacionu, kandidacionu i izbornu Komisiju, a po potrebi i druge stalne i povremene Komisije.

Sastav Komisije Skupštini predlaže radno Predsjedništvo , ali to mogu učiniti članovi grupno ili pojedinačno.

Član 9.

Skupština može punovažno da radi i odlučuje ako je na sjednici zastupljeno više od polovine delegata Saveza.

Odluke i zaključci donose se većinom glasova prisutnih predstavnika članova Saveza u Skupštini .

O radu Skupštine vodi se zapisnik koga ovjerava radno Predsjedništvo.

Član 10.

Delegati i svi prisutni na Skupštini imaju pravo da iznose svoja mišljenja i daju primjedbe i prijedloge o pitanjima koja su na dnevnom redu Skupštine.

Delegati Skupštine imaju pravo da traže objašnjenje i obavještenje od organa Saveza o pitanjima koja se odnose na njihov rad.

Član 11.

Delegat i drugi učesnik na Skupštini koji želi da diskutuje predhodno je dužan zatražiti riječ od radnog predsjedništva .

Vrijeme govora diskutanta iznosi najviše 5 minuta.

Po jednoj tački dnevnog reda može se diskutovati samo jedanput, a za eventualnu ponovnu diskusiju po istoj tački odnosno po istom pitanju potrebna je predhodna saglasnost Skupštine .

Pravo na repliku ima svaki delegat u trajanju od 2 minuta.

Član 12.

Delegati Skupštine mogu da stavljaju primjedbe na predložene zaključke ili odluku Skupštine, pojedinačno ili grupno samo tokom rasprave po tački dnevnog reda u okviru koje se donosi taj zaključak ili odluka.

Član 13.

Sve odluke ili zaključke Skupština donosi većinom glasova prisutnih delegata . Glasanjem rukovodi radno Predsjedništvo.

Glasanje se po pravilu vrši javno ukoliko Skupština ne odluči da se ono obavi tajno.

Rezultate glasanja proglašava radno predsjedništvo, odnosno izborna Komisija ako je obavljeno tajno glasanje.

Član 14.

Skupština odlučuje o izboru organa na način utvrđen Statutom i ovim Poslovnikom.

Kandidaciona Komisija predlaže Skupštini kandidata za članove organa .

Izbor članova organa vrši se javnom aklamacijom, ukoliko Skupština ne odluči da se on obavi tajno.

Član 15.

Predsjednik Predsjedništva dužan je sazvati vanrednu Skupštinu i kada to zatraži 1/3 članova Saveza ili 1/3 članova u Skupštinu.

Zahtjev za sazivanje vanredne Skupštine podnosi se Predsjedniku Predsjedništva, sa prijedlogom ili obrazloženim dnevnim redom .

Vanredna Skupština sa mora sazvati najkasnije 15 dana od dana prijema zahtjeva.

Na vanrednoj sjednici Skupštine može se raspravljati i odlučivati samo o onim pitanjima radi kojih je Skupština sazvana.

Član 16.

Predsjedništvo radi kolektivno i donosi odluke, odnosno zaključke na sjednicama.

Sjednice predsjedništva saziva i njima rukovodi Predsjednik Predsjedništva, a u njihovoj odsutnosti ili spriječenosti njegov zamjenik .

Sjednice predsjedništva održavaju se prema potrebi , a najmanje jedanput u toku dva mjeseca.

Za donošenje odluka i zaključaka , Predsjedništvo mora imati kvorum , a to je nadpolovična većina članova Predsjedništva.

Član 17.

Skupština i drugi organi, izbor svojih stalnih ili povremenih radnih tijela , vrše odlukom kojom se bliže određuje njihov stav, djelokrug i način rada.

Član 18.

Konstituisanje izabраниh organa vrši se odmah, a najkasnije u roku od 15 dana po izvršenom izboru.

Član 19.

Izmjene i dopune ovog Poslovnika vrše se na način i po postupku određenim za njegovo donošenje.

Član 20.

Ovaj Poslovnik stupa na snagu danom donošenja.

SAVEZ LOVAČKIH DRUŠTAVA TK
T U Z L A

Broj : 01-39/11
Tuzla, 21.04.2011.godine

**PREDSJEDAVAJUĆI
RADNOG PREDSJEDNIŠTVA**

HUSKANović FARUK